

BHĀRATA YUDDHA

KAKAWIN

MPU SĒDAH

dan

MPU PANULUH

Bagian Kedua.

SARI PERS
DJAKARTA 54

Rp. 28.500

Serie No 612

BHĀRATA YUDDHA

KAKAWIN

MPU SĒDAH

dan

MPU PANULUH

Bagian Kedua.

Rp. 

19 SARI PERS 54
DJAKARTA

6. yan mangkâ kottaman sang Pawanasuta katon de ni-
rang Korawendra
ngkâ kon sang Karna mangswâ mējahana ri sirang
Bhîma Partheng ranangga
mojar sang Karna tan sangçaya nrēpati mawās patya
ning Bhîma Pârtha
haywâ rowang patik sang nrēpati juga yay āpatya ning
Pânduputra.
7. nahan ling Karna yekân mingis asēmu pacēh sang
Krēpâ cāryya mojar
ḍo sang Sūryâtmajerang ngwang i wacana nikin tan
rēngö ning prawîra
mangke tan ton ikang Pârtha kamu guragadâ çabda
yan sor tēkapmu
yan wwantēn mogha ḍungkul hana pangucap ikang
kül sake kanyu mona.
8. nehan ling sang Krēpâ ngde gēlēng i nrēpati Karnâ
ngagēm candrahâsa
ḍik hâh ling Drōnaputrâ mwang ayuḍa n inucap sang
paman matya wūkēn
yekân yatne ngadēg çrî Kurupati sumikēp kadga sang
Dronaputra
lûd mojar haywa mangkâ ngwang açarana jugâ tolihēn
wîra kâlih.
9. tēkwan prâpteng musuh mangkata juga sang Awang-
gâḍipâ muka çatru
ling sang Duryodanâ kon Rawisuta kumucup mēk
watēk Pândaw âwrēg
ngkâ n syuh sakweh nikang wîra mamapag i sirâ rēs
punah tan hanâgap

rĕp muksâ dĭpa ning Pāṇḍawa kunang i rika ng Ko-
rawābhṛā suluhnya.

10. yekān tinghal ta sang Darmasuta ri laruting yoda
ring Pāṇḍawālah
çĭghṛā kon Pārtha mangswā mapagakĕna ri sang Karna
ring hrū wiçesa
āpan manggĕh yayā tan paçarana ri larutnyā layū tan
panolih.
sangksepanyāntĕn angśō pĕjah i Rawisuta prih panah
ring warāstra.
11. ling sang Darmātmatyā kon nrĕpasuta lumagā tan wa-
wang mangkatokĕr
de ya çṛi Krĕśna yen anti nira yan amuka mwan tan
angswanya tūtĕn
tĕkwan tan māsa ning mapranga ri pĕtĕng ikang rātri
kalāṇḍakāra
towin sang Karna tan sārjawa gati rasikāprang bisā
nyidra-nyidra.
12. anghing Bhīmātmaja yogya lawana rasikā maprangeng
rātri kāla
tĕkwan çaktyāniwāryya wruh i salĕkasaning bancana
reh amāyā
manggĕh yan parwaçastraḍigama pamapage çatru çaktya
dwitĭya
nāhan ling Phalgune Krĕśna hinajĕngamran kon i sang
Bhīmaputra.

P U P U H XVIII

LAGU: RAJANĪ

o o o / o — o / — o o / o — o / o — o / o o

1. irika ta sang Ghaṭotkaca kinon mapag Ārkasuta
tĕkap ira Krĕśna, Pārtha manĕhĕr muji çakti nira
sang inujaran w wang masĕmu garjita hāṛsa marĕk
mawacana bhāgya yan hana pakon ri patik nrĕpati
2. pikĕnaniking lanā marĕk i jōng haji yogya nikā
dadaha ri kāla ning bhaya haturnya matoha pati
kunĕn apan ewĕha ngrahatane gati kārya tĕmĕn
si tutu ta tan pananggaha mĕne ki gĕgōn sekarĕng
3. na wuwus i sang Ghaṭotkaca lumad hati Keçawa mār
tĕkap ira yan wruh ojar angalap maniking hrĕdaya
nguni-nguni nāla ni twasira sang paman ardhātĕnyuh
mulat i rare nirān lumawane sang Awanggapati
4. ya karana Krĕśna, Pārtha mawuwus nda mĕne sakarĕng
asĕmu kamānusan kaluputan tĕkaping mangulus
kunĕng iki sang Gaṭhotkaca wawang sira çĭghra masō
mapag i pamuk sang Arkasuta tan dwan umardĕg arĕs
5. apituwi sarwa sanjāta wiçesa ya tastra nira
mijil tangan dudūng mijil i cangkĕm anūt anguwuh
ya ta rumujak sang Arkasuta kewran apinda jĕmur
murud akirih muwah mĕtu suluh bala Pāṇḍawa bāp
6. irika n asō syAlĕmbana lawan bala rākṣasa sōk
wĕka ni Jaṭāsura mati tĕkap nira Bāyusuta

ya ta mangasut datëng sabala rāksasa wīratara
patëmu ri wuknya kapwa pada rāksasa rodra jëmur

7. irika n alah sikëp nikang Alëmbana tan dwa pëjah
tëkap ira sang Ghaṭotkaca mamök iri tênggëkikā
ginutukakën çirahnya ri Suyodana kagyat awū
kuya ta cëngëlni warnamu wuwus nira Bhīmasuta.
8. mapulih arinya wīra sang Alëmbhusa uāma nikā
makagurilap triçūla nika tiksna mawarna hudan
nda tan iniwō tëkap nira Ghaṭotkaca çaratara
ksana tinëtëk gulū nika muwah ya binuncangakën
9. muwah umasō ng Alāyuda lawan kalanūsura sōk
agalak i linaning bapa tëkap nira Bayusuta
mwang i pëjahing mahākalana Kirmīra tan pangapa
karana nikā wuyung ksanika tan dwa muwah ya pëjah
10. muwah umasō tikang kalana Çrënggawanārdha wagus
ikang umatirawan wëka sang Arjuna len Ulupuy
ya ta tēka sāhasāmuka samūha lawan kalana
ksana mati de Ghaṭotkaca dimuk sabalanya punah
11. ri pëjah ikang durātmaka patang siki tarpabisa
muwah umasō sang Anggapati tan panahā gumul ng
mamapagakën pamuk prawara Bhīmasuta tiçaya
prasama magënturan pada wiçesa mahāstra nira
12. ndan asëmu sor balā nrëpati Karna murud nakukud
binuru huwus kawës tëkap ikang bala rāksasa sōk

kadi gaja nandakā mulat i singha maso magalak
asing apulih pëjah kasulayah ginalah tinujah

13. karana nikā Jayū ta ya manoliha ng lōk humënëng
këtës i lakunya len pangaduhing ginalah karëngō
kahala këtang prawīra balā Korawa çirna larut
sinusunan ing çarān upama de para Pāndusuta
14. ndah irika yan padëm suluh ikang bala Korawa rës
nghing i bala Pāndawā murub amet ridu kārī layat
swang asëmu bahni rudra makin ujwala muntab arës
kadi muburāng balātibala sang Kurunātha kābeh
15. mulat awëngis ta sang Rawisutā n kari kārwa ra ha
karana nirā malës marawaçe ratha Bhīmasuta
ksanika pëjah ta sārathi Ghaṭotkaca tan pabisa
tēka ri kudanya mangrëpa rathanya wiçirna nana
16. irika mësāt Ghaṭotkaca marëng gaganāntara mūr
mari mahawan lëmah tuwi makandël i megham ya
irika n arës hati nrëpati Karna kalëswana lōk
lumihat sūksma sang Kalananātha tan ora katon
17. karana nirā ng hawag mamanahing çaratiksna wara
hanan i ruhur hanan ri hiringan nguniweh ri harëp
mwang i wuri wetni rës nira yadin sakawuryakëna
atëhër amandëng anghapit i çaktya lungid mahëlar
18. pira ta kunëng suwe nrëpati Karna mulat mulinga
irika Ghaṭotkaca n humung anantwa sakeng gagana
mangucap akon prayatna saha ghora ni çabda nira
tëhër adulur gëlap këtug agënturaning samara.

P U P U H XIX
LAGU: ÇARDULAWIKRIDITA

— — — / o o — / o — o / o o — / — — o / — — o / o

1. ngkâ têngghâ sang Awangganâtha lumihat ring megha
moghâ ruhur
dêh byaktân si Gaṭhotkaceki lingireng cittân kapûhan
marês
sis tambisku kacidra demu ya nimittangku n wulat
ring langit
ling Karna tēhēr makon tumēḍun amak āprangeng
bhūtala
2. ndā tandwan paçarîra saksana wibhuh tekang Hidim-
byâtmaja
mungwing maḍyaning ambarawug ahagöng lwîr An-
takâ ngindarat
têkwan matta masinghanâda hibêkan tang bhûrbhuwah
swah pēpēt
saksât Rudramamûrti kâla maharēp ri syūhaning rât
kabeh.
3. ndah yekan pinanah tēkap Rawisuteng brahmâstra
muntab murub
bhasmî bhûta gēsēng rikang ksana mijil mangkin ma-
nēngkō langit
ping pāt rehnya makin triwikrama katon tang candra-
hâsojwala
kroḍa krâk umasō harēp manugēle tēnggēk sang Ang-
gâḍipa
4. kepwan sang nrēpa Karna de ni laruting sarwâstra
tan pamyati

- hah wistiyaku pējah tēkapmu lingireng twas mâtṛēsâ
rēs mulat
nahan marma niran panâmbut irikang kontâ sēḍēng
bhâswara
yeki Pândawa wangça ling nira tēhēr mangduk Hi-
ḍimbyâtmaja
5. tandwâ trus ḍaḍa sang Ghaṭotkaca wawang mûrcâ
mangō saksana
ndah tanjrih mabangun sawega tumēḍun mungsir sang
Anggâḍipa
singgih Bhîmasutâ nggakâra maharēp mâtîyâ mangungsî
kiwul
ngkân lumpat Rawiputra lēs curi ranâmbanglot mating-
gal ratha
 6. ngkâ ta dyah tumēḍun mâtî ratha ni sang Karnâ kiwul
sarâthi
yekân garjita Korawēçwara lawan yoḍâ saDuryoḍana
tan mangkâng parayoḍa Pândawa tiḍēm kapwâ larâ
çânangis
tan waktan wara Bhîma, Darmatanayâ dan mangswa
mâtîyâmuka
 7. nghing sang Krēsna juegi harsa mamēkul tēnggēk
narâryĀrjuna
ngkân mantēn çara sang Dananjaya rikân sang dyah
pējah ring rana
dhan sang Darmasutâ ta mangkin asēkēl librâ nangis
kâsyasih
yan kangēn pakēmit niran tēhēr anunggū mungguhing
parwata

8. yāngde duhka nirā n umangkat umasö tade yadin tan
jaya
mwang sang Bhīma wawang lumumpat amupuh çatwa
prameyan pējah
ndan sang yoda kabeh wurandungēn apan tapwan
paturwā harip
tēkwan pwe kadaçi surudmasa tēngah rātryā ng awanda
pētēng
9. nāhan hetu ni sang prawīra makaḍatmangswā harēp
mamrēma
anghing sang parayoḍa matta nguniweh Pāndwātmajā
sāhasa
mwang sang nātha Wirāṭa len Drupada sering wīra
putro masö
lawan Durmuka, Drēṣṭaketu madulur mwang sang
Yuyutswā ngalih
10. tan wandyan pasēlur nikang prang arurēk norā ngucap
mundura
ḍang hyang Drona siromasö mapag i wuk sang wīra
ring Korawa
nāhan marma niki n paḍotarutarun sang yoda çūreng
rana
ndan anglih ri suwe nikang laga lumud lolyā harip
tan dēling
11. mangkin tibra kējēpnikang bala kabeh sakwehnya
munggwing rana
mūrcā mrēm tēka ring gajāçwa nguniweh yoda ma-
kambe rangin
len mamrang malēs amrangang wwang awatang kapwā
malēs yā matang
moghanyankatēkan harip ya magēgēh sāksāt jurit ring
tulis

12. tandwā mrēm bala Pāṇḍawang rana lawan yodā sa-
Duryoḍana
nerepyanya waneh nghing aprang arurēk mwang ham-
pēlunyā laga
ndan ḍākāra tigang tabeh nggani suwenya mrēm katon
hyang wulan
ngkân kapwā wungu gadgadāng rēgēp i çastranyân
paḍā dan muwah
13. kālanyan bala sanggha ring rana paḍa tanghī wijil
ninn wulan
nadh warnan bibi sang paratra ring ayun sang Hi-
ḍimbyā raras
çokā dan tumute Ghaṭotkaca sirān panwīt ri sang Dro-
padī
tēkwan hrēt ni wuwus nirā muluhaghās āngrēs twa-
sing mangrēngö
14. he dewi huninga n tiki pamuhuning çokā nangis ka-
syasih
mūrā ng doha sake sukunta pahawās rūpangku haywā
suma
dyah pinta ng kwi kēmulta songa ni manēh tong pitrē
mārgā panas
rapwan tan hana wighna ni ngwang umusir saswarga
sang Pāṇḍawa
15. ring janmāntara dadya mānusa muwah tan sāha sang-
ke kita
ya pwan kâ npir i jōng Wrēkodara sukā ring sewa-
keng ksatriya
ndan putrangku ya rowanga ng kwa dadaheng prang
sang watēk Pāṇḍawa

panggil manglwangane hutangku ri sira n çradhe pa-
rëk ni nghulun

16. nâ ling sang mumuhun paratra karunâ nyuh citta sang
Dropadi

mûrcâ glanâ kumolakën sang ahajëng mamwit matun-
weng apuy

apan ta pwan aweh sukâ muhakane sih sang paratreng
ayun

ngûni n mungsiri ng agra gandamadana n kângënya
tâ ng de tangis

17. ndah yekân pangucap sirang Drupada putri sang Hi-
d mbyâmuhun

hâh maskwibu tÿnyuh twas i ngwang angapö dentâ
wuwus kâsihan

bâryan kângën i tapwani ngwang ana hurusihnyâ ng-
lumah ring rana

simbantën malësa pwa mangdum i patinyâ ng de sëkël
ning hati

18. nghing sotangkwa rëngënta nâ dadi jëmah dyah sâ-
nakangkwa niwi

putra kârwana tèki sang tÿlas adi hyang çûra mâting
rana

ngkâ ta kwehana kârdharâjya n abhiçekan sang watëk
Pândawa

ndah manggëh puhakangkwa teki niyatanya byakta
rapwan huwus

19. nâhan ling nira Pânduputradayitâa ri çrî Hidin byâ
ngadëg

ndah mangkat ri tÿlas nirâ ngusap i jöng Kuntî rikan
mûrwawang

tan warnan sira ring hëtu krama tÿke sang putra mâ-
ting rana

ndâ tandwan tumëdun ring agni magësëng mwang
wîra Bhîmâtmaja

20. ndâ titan sira sang paratra malabuli bahrî tÿngah
ning rana

ndâ warnanta muwah pamuk para watëk yodë rikang
paprangan

kapwâsrag manulup ri çangkanira sowang mwang
mrëdanggâ sëlûr

yângyäkën ri manah nikang bala sahasâ muk ma-
wantah muwah

21. dang hyang Drona siromasö mapagakën wuk sang
watëk Pândawa

tan wyârthan pinapag tÿkap Çinisuta mwang Ksâtra-
darmâ manah

nghing ping pät ngganikâ srang nglëpasakën hrû len
triçûlâ lungid

ndah yekân dînuman çarâ parimitâ wâs mâti tan pam-
yati

22. tatkâlâ nrëpa Cedi mâti nguniweh sang Ksâtraçarmâ
parëng

ngkâ tekin rahinâwa sangçaya mawâs hyang sûrya
lumre ngayun

ye kangsö nira sang Wirâtanrëpa len Pancala râja dulûr
nirbitan pakapang ruhun putu nirang wîratrayâ nin-
dita

23. ndah yekân tÿka sâhasâ nghudanakën hrû tanpa sang-
kyâ sulam

- tan sâran pinapag ring astra pinarëng ring lîrû trayâ
tunggalan
tan dwan mâti rikân masö Drupada len çrî Matsyanâ-
thâ pulih
mânâsëng hit i lîna ning putu tēhër kroḍâ ngitudanyâ
stra sōk
24. ping pāt ngganya sirā manah linēpasan diwyāstra de
sang Dwija
tan wandyan mati karwa tan pangudilî sang wipra
wrēdeng laga
Drēṣṭadyumna siromasö mucapakēn çabda pratijñā nira
ngkāne sanmuka sang prawîra sira tan pāpā maṭīng
brāhmaṇa
25. sâmpun mangkana çighra sâhasa mamuk lâwan watēk
Pāṇḍawa
ḍang hyang Drona sireki pinrih inirup de sang watēk
çastrika
ndan wyarthân kadi tēmpuhing banyu tibeng wungkal
tang astrâ lilang
mangkin matta masinghanâda mangadēg sang wipra
munggwing ratha.

P U P U H XX

LAGU: ÇIKHARINĪ

o — — / — — — / o o o / o o — / — o o / o o

1. sēḍēng lîlā harsan pinanah inirup sang Dwijawara
nda tan kâmpir tēmpuh ning isu nguniweh yānguḍilana
rikâ Krēṣṇā kon Pārtha matēlasanâ musti warayang
manantwâ ḍang hyang Drona mangucapa māṭi wēka
nira

2. sang Aḥwatthâma pâjarakēna māṭi sang Dwijawara
maran maryâ mēṇṇang ri larasira ling Krēṣṇa mangutus
kunang sang Pārtha mwanng sira nrēpati Darmātmaja
wihang
humur mātīyâ prang tan mujarakēna ngadwe guru nira
3. ndan angling sang Bhīmā yugalani lumumpat saha gadā
hana syAḥwatthâmā ngaran ika gajah Mâlawayapati
yang tā nuk munggwing Korawa pinējahan mwanng ra-
tunira
tēkap sang Bhīma n tandwa mawarah i sang wipra
malara
4. nda tan mangtēh nghing Darmatanaya sinantwa Dwija-
wara
kinon ḍang hyang Sādwayara ri tuhu sang putra ka-
wēnang
pangēmpwan singgih ling nira tuhu n ulih Krēṣṇa
mangutus
sang Aḥwatthâmā māṭi lingira mahastī hati nira
5. nahan ling Konteya n umarawarah sang guru gupay
wimurcā tan pātmā kalēngēr i salö ning ratha manik
rikâ sang brahmārsing gagana humajēng reh Dwijawara
sahongkārā nglrakēn kusuma mawuwus Pārtha wijaya
6. wawang Drēṣṭadyumnâ rabhasa mamēkî sang Dwija-
wara
sinantwa çrî Darmātmaja hilâ-hilâ mēki ri sira
ndatan sengēh mangkin kawigaran angunda çirahira
tēhër mangḍik mangbuncangakēn i harēp çrî Kurupati
7. rikan pakrak sang çrî Kurupati lumumpat kakētēran

- tumon tēdas wipreçwara kapugutan sâmpun apasah
tuwin sang ycdeng Pāṇḍawa makin amuk çighra gu-
mulung
umambah sakweh ning balagana lawan Korawakula
8. anekang matyâ tindih atitih atap len gaja kuda
karësres tingkah ning ratha kari tēkap sang para ratu
Krēpā cārya mwang Karna, Çakuni lawan Çalya malayū
making sang Duryodana binuru pinrih kinucupan
 9. datēng tAçwatthāmā tanya karana ning çirna malayū
Krēpā jar dang hyang Drona sira mati sâmpun kapu-
gutan
tēkap ning Drēstadyumna rabhasa mangindit çirahira
sinangganya ngdik manggutukakēn i sang Korawapati
 10. rikAçwatthāmā ngambul atēhēr amuk çighra mapulih
ikang Drēstadyumnā ta kagēlēng irā pan mamuguti
lawan sampay yān mindit i çirah ira lwir gutu-gutuk
nihan sang hyang Nārāyana rēgēpēn astrangkwa lingira
 11. wawang lunghāng hrū sangka ri tali ni langkap Dwi-
jasuta
rikan syuh sakweh ning balagana ri sang Darmatanaya
asing manggēg wastrā parawaça gēsēng de hyang Anala
ya tēngde trāseng Pāṇḍawabala larut kapwa ya luyuk
 12. rikā sang çrī Darmātma mutus i sang Pārtha malagā
mukeng Açwatthāmā mapulihakēneng Pāṇḍawabala
tuhu n sang yodā Phalguna sira tan anggā prānga muwah
maçabdā nglampu matya malara ri līna Dwijawara

13. apan manggēh pāpā mati guru wuwus ning wwang
angucap
ya kerang sang Pārthā pituwi lēwu sih Dang hyang iriya
pirang rajyāl pān dadya wacana guru drohaka lēwēs
lēhēng tā lunghā ngungsira wana wuwus Pahlguna malōk
14. rikā sang Bhīmojar ya tiku ngaranantā sēmu cinging
surud sangke darmanta rikang ulahing kṣātriyakula
salingtā n cānta ndāku juga lumagang Dronatanaya
ujar sang Bhīmā n tandang amarawaçāng Korawakula
15. rikā Drēstadyumnā piniring inujar de Çinisuta
sinanggah wūkēn dāṇḍanalapulihēn patyana huwus
nda tandwā sakroḍa Drupadasuta mēntang lārasira
arēp mūke sang Sātyaki tuwi sirā sanjata gadā
16. samangkā sang Bhīma n tumēdun amēkul sang Çinisuta
kunang sang Drēstadyumnā sira pinēkul wīra Nakula
nda tan dwan tākālīh mawacana silih wūk apējaha
uhut sang Krēsna ngde marē nira lawan Darmatanaya
17. tēlas ning wairāmuk paḍa nipuna ring çastra niçita
mapag wuk sang Dronātma marawaçeng Pāṇḍawabala
makin krūrā Nārāyana mamētu sarwastra nipuna
pēnuh ring sanggrāmā salēsēk umating Pāṇḍawabala
18. samangkā Krēsna kon ri sira para wīran tumuruna
umunggweng bhāmyā tinggala ratha nirā nghora sa-
karēng
wawang rabḍa nghing Bhīma sira juga munggwing
ratha nira
ya marmanya hrū sōk rumubung i sirāng jrah makalanga

19. rikâ sang Pârthâ hrû baruna tumulung Bâyutanaya
hilang sang hyang Nârâyana kadi sinapwan ta ya muwah
rikâ ta Çwatthâmâ nguwahi çara Tejomaya gahan
wawang Pârthâ Krēsṇâ ngdudut i sira Bîma n paḍarata
20. nda mangkin sakroda ng dwijasuta tumon hrû nira larut
mahâgne yâstra hrû pinasangira muntab kadi gunung
hilang de ning brahmâstra tēkapira sang Pârthâ mamalēs
pananghare sarwâstra nipuna katatwanya subhaga
21. rikâ Çwatthâmâ merang umurud abonglot masusupan
musir tîrtheng Wâgîçwara ngaran ikâ nindya winuwus
samangkâ yoḍeng Korawa luyu kalah nora mapulih
tēkap sang Bhîmâ muk mati saka sasena sapiṛṭana
22. makin syuh sakweh ning ratu pulungarēng Korawabala
malēs manggangsāl Pândawabala rikang Korawabala
samangkâ ng matya tindih atapi tēngah ning pabharatan
karēsṛēs nyangde lod ruḍira makarang kadga niçita
23. tuwî kang rangrō len alēsēs i tēngah ning pabharatan
paḍa ron hastâ tangkil usus awilēt kâdbhuta mure
tēkap ning gâgak mangrawisakēn i pânṅnya phala hati
karēsṛēs nâ danyâ ngawukawuka wōrnya nicipi rāh
24. lumud yan meh râtryang kirana kahatur tunggang acala
ya hetu çrî Pândwâtmaya mulih angungsir kuṭa nira
nda mangkâ sang yoḍeng Kuru muwah umungsir kuṭa
huwus
ya tângde tistis ning rana lagi tinolih ning aruna
25. lēwēs kâsyāsîh ning palaga ni patinggal para ratu

kayunya lwir stayâlök siwuhēni lajat ning wwang
alangō
masinjang tēngan randi sumēmi tēkap ning rah angēbēk
bangun strî hyang ning Lod juruh adadi wrēksâ n
kinēḍapan.

P U P U H XXI

L A G U :

BELUM DIKETAHUI—SMARAD. II ARJ. WIW. XIV DAN XXX.

o o — / o — o / o o — / o o o / o o o / — o — / o o

1. tan iwōn sadurgama nikang rana ri surup ikang diwâkara
sira Korawendra wuwusēn sēḍēng ira n umulih ma-
reng kuṭa
angupâya tingkaha lawan para ratu masamûha ring
kulēm
sira sang gumantya gēlarēn balapati winiweka ring
sabhâ
2. naranâtha Çalya, Rawiputra tinuduh atiçûra ring rana
paḍa çakti yogya yadiyan Dwijasuta winuwus Danur-
dara
wēkasan patut nikang alap kēna nrēpati Karna râksakâ
sira pinta kâsîhana ling para ratu tēkaning bala krama
3. irikâ Suyoḍana maçabda ri narapati Karna sâdara
kaka nâtha Sûryasuta sihta tulusa ri gatingku duhkita
kita tan waneh gēlarēning hulun amapaga çatru ring
rana
pakapunya nēn ngwang iki panggîl amalēsa ri sihta
nityaça

4. apa tan waneh kita lanâ karana ni hajënging Suyodana
mwang ujarta ngûni sëdëng ing hulun atangis i jöng
mahâmuni
kita ling ta mamriha çumîrakëna sahananing musuh
datëng
ya ta kesyanâ nuluyanâ yaça saphala kitâ çrayeng bhaya
5. pangucap Suyodana wawang Rawisuta sumahur ma-
nohara
prabhu haywa sangçaya narandra ri sawacana sang
narâdipa
niyatang musuh saha balâlilanga pëjaha ring ranang-
gana
tëkap ing hulun ri hana ning wijayaðanu hanindya sâdana
6. iti nâ wuwus Rawisutâ puhara parama garjite haji
kinire tikang saji nirâ stwakëna balapati Suyodana
ulahing kulëm sahananing wwang adadakan amet pa-
sanggrahan
pada çighra tan sipi halëpnya tëkap i pasamûhaning
damar
7. ri harëp watëk ratu wiçesa Rawisuta sëdëng winûrsita
abhirâma sampun asalin wëðihanajënu lûd mabhûsana
dwijaçaiwa sogata maçânti yumayajaya çaswata nira
rajatadi daksina paweh nira sumaji sakeng Suyodana
8. tëka tang pasanggraha mareng para ratu tëkaning ba-
lâdika
pisalin durnya saha dâna kanaka rajâtadi bhojana
rawiputra tusta kaparan tikang abhimata tanggwaneng
laga
ulahing saranta mijileng samara sëmu nirârdha niçcaya

9. pangadeça ni ngwang i manah nira lihatira mûla ning
sumô
ri patëmwaning laga wuwus nira n atulunga wânya
mangjëlâg
pangucap nirân pabangun ambëking atanaga nâgateng
bhaya
tuhu yogya kahyunana panggajaha saphala lâgi pang-
daha
10. nghing ikang lanawëdi balâ nrëpa Rawisuta kepwaning
naya
rika durnimitta haji rakwa rahina wëngi lot panangçaya
wuwusing' pinandita lawan tënungahala tuduhnya ni-
tyaça
inucap sumidhi lagi mihya tang amagëhakën turung tëpët
11. ya dumeah manah nikang asewaka ri nrëpati Karna mohita
nguniweh tikang wwang i dalëm kuwu sahananing
anggarâraras
asamun padâ nguraya lök mari gëremën i raçmining
mënûr
asalah tikawija hamusti curiga sahaja ngure gëlung
12. mwang ikang manambëh i ri rësniki nangësaha lök lanâ
këcap
haji rakwa kepi hana ring plawa nrëpasuta len balâ
ngiring
aharëp mangëntasana sâgara wawang alaris märeng të-
ngah
lalu muksa saksana sira n kasilëm i tëlënging payo-
niði
13. iti nâ wuwus ning awarah swapëna karana ning raras
hati

awuwuh ri pajarajar ing kawula wahu datěng sakeng puri
grěha rakwa cırna tēkaping pawanatēka ri pāmīrēman haji
talū wanwa moni satateng wēngi saha tangising hya-
ning puri

14. pawarah nikang teka sakeng pura ri sahananing wa-
dūjana
amangun prapancaning angisti katuturara raçmi de haji
agawe tangis ni ngangarang hēla-hēla ri manis narāḍipa
ring akarya kasihana mangruwagi raketaning wēḍak
hangōt
15. lēwu gunturing lara lumud pamalabari pamāh nikang
tangis
drēs i wāspa ning wwang arejā pagut i hunur ikang
payodara
sahajā ḍēḍēt hati ring adyah asepi kasarāmbahan takut
angajap ri nātha Harimūrti humawēra ri luhnya nityaça
16. ri hulih narendra mamisik-misik i sararasing karāsikan
wihikan ri sandining ulah kawuwusaning akūng pra-
hāsana
wruh i simpening gati sirā n tama ri lekasing arghu-
wus-huwus
katekan pwa çoka kadi tan tēlasa samaya mogha tan licin
17. mwang ikang hanyar tēka turung krētasana ya ri taiwa
ning smara
hana sōngi rāga nika yan pamalihakēna harṣa yadyapi
ndan alungha raçmi kaharēpnnya pakaguru nikā ngusir
langō
marēkeng kulēm ling ika panghurusana lara kūng pa-
lambaya

18. luruning trēnāngkura kala hru n alara ri patinggaling
jawuh
upamānya de wijilirā rkatanaya malagā mangun lume
hana ganṭa ning karirisan pinalara huripā nghēbang-
hēbang
saka ring kakingkingan awās prangēn alabuha bahni
yadyapi
19. ri surup hyang Arka rarasing wwang ahayu kedi nā-
gateng bhaya
akēkēs-kēkes guyu mirah ni laṭi ning arejā wisik-wisik
jrah amēndē-mēndē masame gēlung apusek arantunan
wijang
pupuring mukā srang anilib layat amawa wanginya
kānginan

P U P U H XXII

LAGU: WOHINGRAT, WAWIRAT ATAU RĀGAKUSUMA

— — — / o o — / o — o / o o — / o o o / o o o / — o — / o o

1. tan ngeh yan caritan gatinya wēngi kâla tēka ri hu-
wusing tabēh wwalu
mantuk sang Rawiputra len sahana sang para ratu
sahajā mrēm ing kuwu
tis-tis tingkah ikang kulēm ri kētjēping wwang i pa-
ngawaçaning harip mata
nghing reh ning rinēwēk lanā mungu karēngwan i
tabē-tabēhanya ghūrṇita
2. warnan tira nikang ranangga sedenging kûlēm amu-
hara rēs raras hati
towin pangiwang awās kaping rwawēlasing kalima
diwasa ning samangkana

nistānyan bhisamā laris lari ning amrih angēnēs umusir
Yudisthira
pintēn mājarakēn ri tan wurunga Darmasuta tulusa
digjayeng rana

3. akweh çoka sakeng Gajahwaya lēngēng lakibi saha
wēkâ mangun wēlas
yatnâ mrih ri kasir-kasir niki winingkis inapi wina-
wanya len watang

tan çobhâ lari ning paḍa tēkēn alök saha kawula
mapangharēp kili
mâr twasning lumihat ring adyah akuḍung-kuḍung
angēlih agēgwaning kaka

4. nyip-nyip rāmya nikang lumampah angēlih katiga ka-
wula manghawin sērēh
sōng-sōng harṣa saranta wāhu saha rasraras i wuwus
ikang haris-haris
tat mārḡa n pawisik-wisik waça-waça nyulu-nyuluh i
ng ujar priyambhada
tan sūpēn sahajâ pasang-pasangan asring angarēki rēsēp
maweh sēpah

5. angrēs mar twasing angrase lari ning anwa mangē-
lih atawan-tawan tangis
timbang-timbang arēs mulat ngwang i tapihnya putih
asēmu rāh katon mēlēs
sih-sih tibra wēlas rēsēp sēmu ni pangharis-aris i
dulur nikāng amēr
wānya rarwan noli-noli awarah ri kaluputanikâ paran
kunēng

6. wwantēn strî maniking purî karika kasyasih alara ri
līna sang prabhu
mrik ning kasturi māmbeṭing wwang angiring lumaya
ngēlih amādapān laku
mwang sambat bibi mah nghulun bapa haji ndi ta pa-
rani wēkanta kāsihan
panglinggan wara putrikâ sang anangis hinarih-arih
inēmban ing kaka

7. akweh yan wuwusēn kabeh, tucapa Darmasuta sira
mareng rananggana
mwang çrî Krēsna lawan Dananjaya durnira pinilih
ikang balâ ngiring
līlâ lampah irā laris makasuluh warayang ira lumēng
prabhâ swara

kēmbang wija ni wedya tang winawa lot ḍinawuha-
kēn miran pangalpika

8. ndan rakwâ parana prihēn çawa ni sang Dwijawara
kawēkas haneng rana
sah ning mastaka ngūni yeka pahayun pupulakēna
ri rēngga ning ratha
wwang çrî Bhīṣma sirā nggēgō smarana ring çaratata
sira kârwa sēmbahēn
apan kârwa wiçesa towi gurutatwa nira karaṇa Pān-
ḍawâ lara

9. tis-tis mārḡa nirā mēnēr-mēnēr amûrwa hara-hara hi-
ring-hiring jurang
lwah-lwah trāsa hēnī-hēnī pupu-pupul asawe katang-
katang

kaywan mātra halab-halab kalamukan pētēng ajaja-
 jajar hawuk-hawuk
 sēngkan-sēngkan ikā rupit-rupit ahēt kasiku-siku sukēt
 samar-samâr

10. himpēr polaha ni wwanging nagara tingkahi kalēngēng-
 aning haneng kulēm
 gēntēr lwir curinging rarā dyah iniwē wahu-wahu
 katēkan rajaswala
 ring-ring pinghayarūm haturni sahabing limut angē-
 muki kaywaning tēgal
 lōng ning bahni ri lāmbhunging wukir adoh sajēnu
 kanaka munggu ring rana

P U P U H XXIII

LAGU: BELUM DIKETAHUI—SMARAD. II. ARJ.
 WIW. XIV DAN XXX

o o — / o — o / o o — / o o o / o o o / — o — / o o

1. ri laris Yuḍiṣṭhira paḍâ mrihanirang anēngah mareng
 rana
 prawarāya Phalguna, Janardana ri barēp amuspa tūt
 hawan
 kunapâ gēlar katēmu de nira katihalangâ kriēping
 tēgal
 atidurga mangkin atumang gaja turaga lawan rathâ
 halēp
 2. ndah aneka tang kapapagâ mrih atanya hawanâ tēkēn
 galah

hana tan wikāra ,saha singhēl ika kawaca len karah
 kalung
 ndan awak' nikâ mirah ahantēm atiçaya mēlēs tēkeng
 muka
 ahurip samar katitihan çawa pawarah iki n tinakwanan

3. mwang ikang rumangkang angusir hawan amalamalar
 hanâ siha
 syuh awaknya biṣṭi sinēsēb kahuripana bēbēd rawis
 mēlēs
 adalēm karēngan i wuwus niki n amalaku toya kâ-
 sihan
 karēnan manganjali wineh sēpah amuhara tbra ning
 wēlas
 4. ri lēpas Yuḍiṣṭhira rikang rana makin atibhisanâ ng
 çawa
 pangēbēk nikang ruḍira sâgara winēḍar i panggyating
 kilat
 irikang piçaca gana bhûta suka wija-wijah tinonira
 mawērō warēg ruḍira mângsa kawigaran atēmpu-
 tēmpuhan
 5. apaḍang katinghalan i durgama ni halēpnikang ra-
 nānggana
 tēkaping rathângga manî len kawaca rukuh aneka
 bhûsana
 nguniweh tikang makuṭa kuṇḍala parama suteja bhâs-
 wara
 ya nimitta ning wēngi bangun rahina linud i dīpta
 ning çara

6. i jurang nikang kunapaparwata ruḍira katambakan
kuda
agihâ kuwung ni ḍaḍa ning gajapati wulakanya rāh
mabul
asukēt rawis mawatu mastaka jaruju nikâsi len çara
ndah apangka wūk nanah aḍātu pangēmēh i purisa
ning çawa
7. irikâ ta sang paramasādaka humēnēng ayoga ḍaraka
kara tang pangalpika kinēmbanganira hati majja cān-
dana
asawit sirāntra maganitri waja malēs alingga locana
ndah akōm rikang ruḍira ḍira ri turuna bhaṭhāra
Bherawa
8. satatâ n pangastuti sirâ jaya-jaya rinēngö Yuḍiṣṭira
makasādya haywanira Darmasuta puput ikang prayo-
jana
paritusta buddhi nira Pāṇḍutanaya sahaḍâ n pangas-
tawa
syapa teki sādaka wiçesa lingira tuwi paksa Pān-
ḍawa
9. wēkasan kapanggih irikang ratha çawa nira sang
Mahâdwija
mwang ikang çirah katēmu pinrih inalapa wawan
sēkar kaki
paḍa yatna sapranata bhakti maguru humarēk ma-
nganjali
angupaksamakēn i saçila nira tēhēr angunyakēn stawa

10. prawara dwijeçwara panēmbah ing gati wimūḍa
duryaça
anaḍah warāmreṭa ri pâda paramaguru weda pāraga
ika dustakarma ni si Pāṇḍusuta lēwēs analpakâ guru
anubhâwa wiprawara kapwa karana nika tan kanâraka
11. apa tan waneh kita wiçesa Paçupati kitâ çrayeng
sarât
kita sâri ning paramatatwa wēkasing aganal kitâ
ḍēmīt
kita mēnggēp agraha sadeha tuhu tan aparawya
mohana
kita Buddharûpa Çiwarûpa sakala magawe jagadḍita
12. iti nâ pangastuti nirâ tēhēr ararēm amuspa sādara
wēkasan sirâ muhun umangkata ri haliwating tēngah
wēngi
awēdi n tēkang rahina wintang inucapira lot paṅga-
wruha
rēsi Bhîsma tan hana waneh dinunungira tuwin kaniç-
cayan
13. nda tan adwa sang rēsi kacunduk irika paḍa râmya
sang tēka
sēkar ajar mantra japa lot rinēgēpira lawan Janâr-
ḍana
sira sang sinēmbah atutur suka mulat i ḍatēng Yudiṣ-
ṭira
makacihna panglēsū nirang smarāna marēn ayoga
saksana

14. irikā Yuḍiṣṭira marēk musapi lēmah i pada sang
rēsi
hunigan tangis ra putu sang muniwara humatur
ksamākēna
ri halanya singgih atiduṣṭa lumabuha lāga lawan guru
tumuluy sinestawa gatinya winuwus i harēp mahājana
15. mwang i lina sang Dwijawarā muhara wirang iking
Yuḍiṣṭira
ndan awās pakonira mareka tuhu n asēmu bāncana
ng lare
apa tan wurung katuduhanku haka niyata yan kapā-
taka
ya tika mangun hrēdaya ranca ri ra putu mahārsi
nityasa
16. ya matangnya n amriha tangis ngwang i suku Para-
mārsi sanmatan
warahēn ri marma ning amogha luputa ning aḍaṣma
duskrēta
apa tan pahingan iki mohita ni manah iking Yuḍis-
ṭira
ri mēnenya toh syapa ta māsiha ri hilanga sang
Mahāmuni
17. panangis nareḥwara ri sang Rēsiwara sumaweng
Narādipa
humaras ri Darmasuta mogha wēnang i pangawesa
ning sēgēr

- putu haywa sangḥsaya paran rakēta nikang upadrawe
kita
tuwi pangdaning Wiḍi mareka hilanga ning apakṣa
Korawa
18. mwang awās putungku laki digjaya niyata pangō-
baning sarāt
sira Krēsna Pārtha ḥaranānta tulusakēna tang prang
adbuta
pangucapnirā tērēh alon tēhēr angamēr akon uman-
tuka
awēdi n katalyana manahnira n angusir acintya ḥūn-
yatā
19. ararēm ta sang krētawara prasama parēng anēmbah
ādara
makacāmane lēmah i jōng Yatiwara n umulih mareng
kuṭa
tēlas adyus ing paramatīrtha gati nira sinungsung ing
bala
paḍa tusta garjita madan lumarisa ri tatasnikang
pētēng

P U P U H XXIV

LAGU TIDAK DIKENAL, SAMA DNG SMARAD. V.

ooo/ooo/— — — / — — o/ooo/o (16)

1. rahina mara ya mangkat ḥri Darmātmaja lumulug
saha bala sumahab tang yoḍa mwang para ratu sōk

agëlar atumang akrëp mabyûna rêpat apagëh
awunuhan atalâ sök durga lwir jalaði tëduh

2. atiçaya pasëlurning yedâ wîra ta ya murud
para ratu paða çûra kroðâ kol parëng alaga
pirang iwu kawënanng tang peka mwang gaja çakaða
kunapagiri tasik rah mangkin durgama mengëbëk
3. awicaritan ikang prang saksât parwata matarung
sarähina diwasanyâ rangkit durga silih arug
paða kangëlihan anghel sang çurälaga wëkasan
aluwaran ing surupning sûryâ srang murud apasah

PUPUH XXV

LAGU: WOHINGRAT, WAWIRAT ATAU RĀGAKUSUMA

— — — / 0 0 — / 0 — 0 / 0 0 — / 0 0 0 / 0 0 0 / — 0 — / 0 0 (23)

1. tan warna n gati pañca Pāṇḍawa Suyodana sira hun-
ingan tēlas mulih
ndâ hōm-hōm sira len watëk ratu tēkeng bala mangi-
num agostî tingkaha
ngkâ çrî Karna n aminta sārathi sire Kurupati saphalâ
çrayeng bhaya
singhit himpëra len Janārdana kakūṅgira maran apagëh
sirâ laga
2. nginghing Madrâḍipa yogya ling nira lanâ pinalaku ri
harëp watëk ratu
māwās rakwa wiçirna ning ripu tēkapnira n ubhayana
kahyuning hati

yekâ çrî nrëpa Korawendra mawalokana humatur i
Çalya sādara
salwirning maðu raprawâda pangucapnira n angasih-
asih prahāsana

3. ndan Madrâḍipa duhka kewala pangalpa Rawisuta
hiḍëpnire hati
hâh mangkâ wususnira ngadëg adan muliha tēkap i
gōng nikang galak
çrî Duryodana yatna tibra pamëlasharëpira mamëkul
ri sang prabhu
anglad p.âna wijil ni luhnira n aminta sih angupa-
çamâ ngalap kasor
4. çrî Madrâḍipa koluyan pangubhaye wëkasan i pana-
ngisnirâ ḍipa
nghingutpana nire narāya Rawiputra sawuwusa ni-
reng ranāṅggana
tâtan halpaka nātha de nrëpati Karna nahan ujarira
prakaçita
sāmpun kobhaya yeka garjita Suyodana n amënuhi
dāna bhojana
5. nāhan tingkahireng kulëm tan ucapën waluyana ta
narāya Pāṇḍawa
ngkâ n lila ri tēlas nirâ ng gunita niti sumilib ama-
sang samāhita
pājâ mwang stuti deha çuddhi rinëgëp nira saha japa-
mantra sasmrëti
lungah ng ratri madan sirâ rahup açoca para ratu
tēlas mabhāsana

PUPUH XXVI

LAGU AÇWALÂLITA

ooo/o—o/—oo/o—o/—oo/o—o/—oo/ob (23)

1. rahina tatas kamantyan umuning mrëdangga kalaçang-
ka ghûrnitatara
gumuruh ikang gubar bala samûha mangkat angvuhuh
paðâ sru rumuhun
para ratu sâmpun ahyas asalin lumampah ahawan
rathâ parimita
nrëpati Yuðisthira pramuka Bhîmasena NakulÂrjunâ
gra lumurug
2. rasa bëlaha ng mahîtala pënuh wwang akrëp ariwëg
dëdët gumarëbëg
jalaniði bahni muntab ama gan jagat paða nikang
balâ angamah amah
dâtëng irikang tëgal pagëlaran pënuh tëka ri lambu-
nging wanagiri
prasama madan makanda matumang dudung lëpas amet
musuh paða humung
3. narapati Krëşna mojar i Dananjaya ndya ta ngupâya
rakryan ulaha
sira naranâtha Karṇa lagi durgama n pinakaçatru
çakti subhaga
apituwi rakwa çalya sira sâra sârathi nira prakâça
mapagëh
gëlar alawan tëkapta mapage sire ngët-ingëtën nda
haywa humënnëng

4. wacana JanârdanÂrjuna wawang maçabda rahajëng
wuwus narapati
hiðëp i patik narendra gëlar Arddhacandra wargunën
tëkap sang ahulun
lëkasira Karna kawruhan awâs dumug hangu-hangun
lanâ gyan anurung
rëbutën usön sirâ n dâtëng amuk prihën rakutanâ
sraga ngwang asuta
5. pangucapirâya Phalguna hinayan âkrëp atatâ tikang
gaja ratha
Pawanasutâ gra munggu ri têngën ri tungtung ikang
Arddhacandra mapagëh
ri kiwa narâya Sâtyaki Dananjaye harëp i maðya
Darmatanaya
Nakula Yuyutsu makrama tëke sang ârya Sahadewa
sâmpun atihang
6. tëlâs apagëh gëlarṇira lawan watëk ratu rinehan
asrang atatâ
atiçaya kandëling bala samar katona ni wëkasnja lor
kidul adoh
pinakasënö waneh saka salaksa koçi tumihang prakîr-
na gumëlar

P U P U H XXVII

LAGU SRAGDHARA

— — — / — o — / — oo/ooo/o — — / o — — / o — o / (21)

1. sang çrî Râðeya warnan sira huwus agëlar wetning
enjing lumampah

2. sang çrî Duryodanâ byûha makara pakire Karna sam-
pârna kîrna
sang Râḍeya nda tan len sira pinakatutuk putra tansah
sumanding
yapwan manggëh supit munggu ri têngën apagëh
Durmuka krûra çakti
mwang sang wiryAngçumân sang Çakuni kiwa lawan
sang Sudarmânggakâra
3. yapwan munggwing gulû çrî Kurupati pinupul de
sang ârya pramèya
angga mwang pucca len prësta para ratu lawan wîra
rotâti rodra
angkën toyâ nglunang peka gaja ratha sumëngkâ ri
jông ning himârdi
minâ ngumbang hatur sang narapati sahajâ ngde pra-
mattâ hyuning prang
4. ngkân pojar Karna Madrâḍipati winuwusan ndan ra-
sâtma praçangsa
ḍuh nâtha kwehniking Pândawabala gumëlar sisnamû
rehnya heman
âpan byaktâ tëmah parwata kunapa mène de niking

Suryaputra

mwang ndya nggwanya ng manâmĀjuna ta kunang
arah curnitan mwang kakanya

5. agyā mběkñing hulun yan mubura ya pitarā dadya-
nanyeng ranāngga
byaktan syuh lwir gilende ning isu niyata yā pinda
haryas rinēncēm
wās-wāsta n robaning sâgara ruḍira lawan bâng ning
astra n katona
maryyâ singhāsana ngwang kahasēmana yadin mitya
nindā niking rat
6. nā ling Raḍeya Mad âḍipa sira sumahur hewa de
sang maḥabda
hāhāh dentā walepā ngiman-īman angucap tan tahā
līnga ning len
haywā kweh de ning ojar palaga juga lawan teku
ḡatrunṭa ḡighra
agyā noneng pējah lwir ḡalabha tumēḍun ing bahni
ta ngwang tēkaptā
7. ndi n ngwang tan guywa denta n pangucap amubura
ng ḡatru ḡurātirodra
ndi n tuhwā pan hiwag nghing juga kita liwētēn de
nikang Bhīma Pārtha
ndak ton prānanta harwākēna ring isu mēne bhukti
ning mrētyujihwā
ḡēhēh byakteku ng anggan patēmahana hitipning
kawah dlāha wās-wās

- 8 nda nahan ling nirĀrkatmaja rumēngē lēwēs kroḍa
kēdwā wiroḍa
mangkin çrī Madrarâjâ ngirang-irangi tuhu n Karna
kepwān kamantyan
âpan ngûnî ng sabhâ tang panamaya ri sirâ n kôlane
çabda çalya
yâ ngde lōkning manah towi pinituturakēn ngkâ sirâ
dan lumakwa
9. mangkat sang Karna sahyāng çakaṭa manimayâ nindya
lumrâ prabhānya
kadyĀdityâ ng jēlag sâmpun amakuṭa subaddhâ ngra-
suk bhūṣaṇâ bhīrâ
līlā non çatru saksât gunung alas asinang lwir fasik
bahni muntab
anggyâkēn lampahing syandana tēhēr angayat langkap
anggyat kupaknya
10. sakweh sang bhūmipāla prasama saha rathâ rampak
asrang tumandang
lāwan sang nātha Duryoḍana çakuni parēng mwang
watēk wīrasangga
guntur mumbul gunung rug lwirira wijah amuk len
balā mātāh çilā di
mwang mātanggā ngdēmak sewu manguling angēbak
çirna kumbak sakāmbah
11. tan dwā lah pangharēp Darmaṣuta linurugan gīnēk
osik linakwan
bēntar norā nggagah sing sakapagut inarug byūha
kedēr katamfuh

- anglanjām lwir gēgēr padēmak ikang apulih laksa
koṭyâ nisih sōk
kedran ginyat rinampak ginulungan inirup binwatan
wīra rodra
12. mangkin bēntar larut wrin-wrin atakut i pamuk Sūrya-
putrâ nggakāra
âpan tapwan kawangwang sēḍēngira n umalī Bhīma-
sūnwā tirodra
mangke warnĀntakâ srwâ manah amarawaça ng çatru
sakroḍa muntab
ḍirānyuh byūha kadyo mubura bhūwana ring saksanâ
ngrūga Meru
13. yekâ hūng ning watēk Pāṇḍawa parēng apulih sāhasâ
prang tumindih
sang çrī Darmâtmaṣa mwang para ratu lumurug hrū
nirâ krēp lēpasnja
sang Mādreyâ sēkung Yādawakula nguniweh sang
Çikandi prayatna
sang Pārthâ ngēntahāsa prakāṭa gēlap ikang cāpa
sâmpun pinēntang
14. çighrâ ngsō Bāyuputrâ ngēbak angubat-abit ring gadâ
singhanāda
ḥwat Bhīma krūra bhanggārddha balingu-balinguh
nirbayâ muk mamundung
kāntēp kombak rēbah sing pinagutira bubar syuh
tinēmbung matimbun
rēmpak rimpēk linud ring çaragiri gumulung durga
kadyâ lun āngrēs

P U P U H XXVIII

LAGU MATTARAĞA, WRĒITĀYANA 34

— o / — oo / o — o / — oo / o — o / — oo / oo (20)

1. çrî Karṇa kâsrĕk inirup sinep linĕpaṣan warâstra
pinaṛĕk
ḍirâ ngadĕg mamuling angawe ri laruting balâ lara
rĕban
Bhîmâ ngĕbak lĕpas amuk tininghalanirâ mabad gaja
rata
bĕntar tĕyuh sing inarug tinĕmbungira ring gâḍa
kasulajah
2. kroḍâ pulih Râwisute niring nira Susena sap'ta
kagara
mwang çrî Suyodana lawan watĕk prawara wîra rota
sumaput
sang çûra ring nrĕpati Pândawâ sĕkurg amuk matâm-
bĕh i harĕp
sâr sĕk ring ambara patĕmpuhing çara humung gĕ-
lapnya kumupak
3. yekâ jĕmur pasĕluring tumandang apagut mawantah
apĕluk
ginĕk ginunturan angambat anggagah arampak akraḍ
amabad
mohâ nggrĕgut pilih aruk winuk malĕs amōki moha n
anuhuk
akweh ḍuhak paḍa silih suḍat ḍaḍa silih ḍuḍuk paru-
paru

4. dur grāhya tang laga paḍa lwang-anglwangi dudang
kĕnâ lara murud
akweh wiçesa kawĕnang Susena mati de nirang
Çinisuta
çrî Darmaputra lumawan sang Anggapati kapwa çakti
kumutug
mundur parĕng mapulihan kĕneng çara lawan sang
Arkatānaya

PUPUH XXIX

LAGU ÇIKHARINĪ

o — — / — — — / ooo / oo — / — oo / oo (17)

1. sĕḍĕng Raḍeyo mundur anurung ikang Pândawabala
gumuntur tang pekāçwa gaja mangĕbak lwir giri rĕbah
alah sakroṣang Korawa kalulun olah tinitihan
larut bĕntar kewran katĕwĕk alarâ ngunduri jurang
2. rikâ n kepwan Duryodana Çakuni Karnâ lah angisis
sang Açwattâmâ mwang Jayawikāṭa Duççāsana katon
tinūt de Bhîmâ strâ manah amurĕk angḍik manudingi
tĕhĕr mojar wāk duṣṭa muman-umaning çrî Kurupati
3. harah pangher Duryodana wĕka niking duṣṭa si wuta
layat merang yâ rĕs mulata ri mukangkwa wĕdi kumĕl
nihan çatruntâ gyâ nugĕla ri gulūmwing pabharatan
aḍa nolih yâ nĕmbaha batangikâ hyun mahuripa
4. wuwus Bhîma kroḍâ mbĕkira Kurapatya sring amanah
malĕs mojar kong wōk tan awirang iking moha kuhaka

lumud ko singgih rāksasa gēlē-gēlēh ning bhuwana
harah ngwang ywerang mātyana kamu tēwas campur
inucap

5. nahan ling çrī Duryoḍana tēhēr anujwing çarawara
malēs Bhīma hrū Bhārgawaçara mahāçakti lumēpas
rika n rampung tambang ni larasira sang çrī Kurupati
ikang bâhwâ wās yan katuluyan umundur sira wawang
6. prayatna dyah Duççāsana marēk amēntang larasagōng
mahāçaktya ng hrū Bhallaçara dumilah çighralumēpas
tibâ kântēp Bāywātmaja wawang uḍyānā wungu
rikâ dwan-dwa kroḍa n silih irup amet cidra kumutug
7. paḍâ tyanteng çûrâ nuju-tinuju ḍiran lēkasira
parēng punggēl tang cāpa muwah angalap langkap
rikâ n tandang Bhīmā nudingi marēk angḍik saha
tēhēr mojat tan jrih pinanah anikēp hrū tan atakut
8. aḍâ kong wōk Duççāsana cēmēr amangpang ryaku harah
lēwēs nohanku n kon katēmu wunuhēngkweng pabha-
harah panglampū nâ lingira ḍatēng angjug-jug amupuh
suḍîrâ ngrhûk çighrân tēka sumuyug anglumpati gajah
9. prayatna dyah Duççāsana tuhu n ikang syandana
malēs mangduk ring tomara tēhēr aḥabdâ nguman-
uman
aho dâsangkwâ minggat iki mangiwung wehi ya tēḍa
asēnghit ngūni strīnya si jalir ikâ meh kajamaha

10. nahan tojar Duççāsana wahu lumumpat katututan
jinambak māmreḥ mangdugang alara lâgī ningēlakēn
mukēmō bēntar lot hinalahala tan pāntara tinūr
malēs mangrangsang krûra rinēlēngakēn mamrih atahēn
11. rikâ tandang Duryoḍana Çakuni sakroḍa kumucup
lawan sakwehning Korawa parēng amok çighra marēbut
nda tan kewran Bāywātmaja gumuyu manggēh ginu-
rumung
tuwin sang Partha mwang Nakula Sahadewā srang
atulung
12. samangkān pojar Bāyutanaya humung tan siga-sigun
harah sakweh sang wîragana nguniweh dewa sakala
lihat pwe king Bhīmā nahura punaginyeng pabharatan
ikāng rāh ning Duççāsana ya tiki langgwangkwa
wulat
13. muwah dewi Krēšnâ wēkasaniki mangken panguraya
nda panglampū Duççāsana temu kadustanmu satata
aḍâ kral-kral tan kōla niking asu duççila winunuh
mapa lwirni twasmu n kalana juga yan byakta ya
mapang
14. nahan ling Bhīmā ngewala mamēluk olih pyah inēbab
çikān murcā Duççāsana bēlah ikang prāna binubak
ya yan ḍîra krûrâ nggētēm anēpak ahyun manahuta
linanggang rāh mohâ ngdēḍēl akēdal arēnggut akidat
15. karēsres Bhīmā nglangga rudira suḍîrâ ngdudut usus
bangun tonēn ring saksana mēnuhana ng kendriyasira

ghanâ wyang lwir ni roma mata rawi tulyâ suluhana
ikang twab yekâ gëntëra kĕcapirâ n tusta gĕlapa

16. payodâ bâng de ning rawi samanirâ pan karuĕdiran
gunung mumbul nghing tarka ri sira n atindak guragaĕa
tĕhĕr mundonde kang ĕawa saha wuwus lwir gĕrĕh ahöm
harah mah mah rowangmu lingira dumuk ĕrĭ Kurupati
17. samangko lah ning Korawabala larut wrin-wrin atakut
tinût ginyat mwanĕ Süryatanaya murud len para ratu
parĕng lăwan lindu patĕr anila nilâ ngghana rĕmĕng
kĕtug rĕm-rĕm tejâ guling awĕnĕs ing dik saha taĕit
18. umundur Pārtha mwanĕ ratha nira marer g Darmatanaya
lawan Bhĭma prāptâ ĕarat aguyu sahyâĕrama gadâ
sinungsung de ĕrĭ Darmasuta ring ujar sasmita rĕsĕp
sĕnâhâ kweh sâmpun sumaji panginum wai saha phala
19. rikâ nyagrodâ göng kahananira wâhwâ ngucap-ucap
tuminghal ring pekâĕwa gaja murud akweh wijah angöb
sang aprang warnâ gyâ silih ayun angel jrih kapanasan
kĕlabning tĕnggran manglurugi tinĕngĕr mwanĕ layu-layu

PUPUH XXX


LAGU SRAGDHARA

— — — / — o — / — o o / o o o / o — — / o — — / o — o (21)

1. yekâ lah ning watĕk Pandawa kadahut asâk ĕirna de
Süryaputra

Saudara-saudara tentu sefaham dengan kami, bahwa pendidikan dan pengajaran anak-anak Republik Indonesia wadĭb diselenggarakan dengan dĭjiwa nasional jang murni.

Pertjajalah, bahwa tiap buku keluaran kami, dari pengarangnja sampai ke pertjetakannja, dipegang, diteliti, diurus oleh tenaga-tenaga jang penuh rasa berkorban untuk NEGARA.



1-2 - R. 5000

Sari Pers USAHA PENERBITAN
PERTJETAKAN DAN STENCIL
— DJAKARTA — T. Tangkubanprahu 2, Telp. G. 4668
1500